

Nama : _____

Puan Lina sedang bersiap-siap untuk pergi ke pejabatnya. Dia pun melangkah keluar dari biliknya menuju ke ruang tamu. Dia mengeluarkan sekeping wang sepuluh dolar dari beg tangannya.

“Amin, ibu tidak sempat untuk siapkan makan tengah hari sebab ibu terpaksa ke pejabat dengan segera. Ambil wang ini dan gunakan untuk beli makanan tengah hari. Ajak adikmu, Junid, bersama,” kata Puan Lina kepada anak sulungnya sambil menyerahkan wang itu.

Amin menerima wang itu dengan senyuman. Puan Lina pun meninggalkan rumah. Pada ketika itu, Junid sedang asyik menonton rancangan televisyen kegemarannya. Hari itu merupakan Hari Belia, maka murid-murid sekolah rendah dan menengah tidak pergi ke sekolah.

Kira-kira sejam kemudian, Junid berasa lapar lalu mengadu kepdaya abangnya. Amin pun mengajak Junid ke pusat penjaja makanan yang berdekatan dengan rumah mereka. Mereka meninggalkan rumah dengan perasaan gembira kerana dapat memilih makanan yang mereka suka.

Cuaca pada hari itu amat panas. Amin berpeluh setibanya mereka di sana. Amin pun mengeluarkan saputangan dari saku seluarnya. Tanpa disedari, wang yang diberikan oleh ibunya tercicir. Amin dan Junid terus berjalan sehingga mereka tiba di sebuah gerai menjual nasi ayam, makanan kegemaran Junid.

Junid pun duduk sementara Amin pergi membeli makanan untuk adiknya. Sebenarnya, Amin juga minat nasi ayam. Maka, dia bercadang untuk membeli dua set nasi ayam.

“Saya mahu beli dua set nasi ayam untuk dimakan di sini,” kata Amin dengan sopan kepada pegerai nasi ayam.

Amin pun pulang ke meja makan dan menunggu makanan dihantar oleh pegerai. Tidak lama kemudian, makanan yang dipesan pun tiba. Amin menyeluk saku seluarnya untuk membuat pembayaran. Alangkah terkejutnya Amin apabila mendapati wang yang diberikan oleh ibunya tidak di dalam sakunya. Dia menyeluk setiap saku seluarnya tetapi wang itu masih tidak kelihatan. Amin berasa malu dan segan sebab dia tidak ada wang untuk membayar harga makanan yang dipesan itu.

Gambar 6 – Penutup

Apakah yang agaknya berlaku seterusnya. Sila tuliskan jawapan kamu.

Saranan:

- Amin berpatah balik, menjejak perjalanannya untuk mencari wang yang tercicir. Akhirnya dia berjaya menemui wangnya.
- Amin sudah biasa dengan pegerai itu. Amin merayu kepada pegerai dan berjanji akan membayar harga makanan itu lain kali. Adakah pegerai itu bersetuju?
- Melihatkan keadaan abangnya yang kelihatan cemas dan malu, Junid pun mengeluarkan wangnya. Amin tidak sangka yang adiknya memiliki wang dan membawa wangnya pada hari itu. Amin berasa lega. Mereka menikmati makanan tengah hari dengan tenang.
- Atau kesudahan lain yang kamu fikirkan sesuai.

